

龍筋鳳髓判

(一)

張鷟撰
劉允鵬原注
陳春補正



判髓鳳筋龍

(二)

本館叢書集成初編所選學津
討原湖海樓叢書海山仙館叢
書皆收有此書學津本無注湖
海海山皆有注湖海本較早故
據以排印並附學津所載提要
祝允明序及唐書本傳張海鵬
跋於後

龍筋鳳髓判注序

武定小隱劉允鵬造

往予癸未仲冬之夕。夢立庭外。倏然紫綠異雀數十百千。環室爭飛。已而怒入雲際。卽羣雀中忽翻出一大鳥。兩翮驚翥。尾如曳彗。時海日方朔。背有珠華。掩映披流。陸離絡繹。晃難爲相。人言此鳳也。予聞而欣然。張目盱之。曰。生平願見麒麟鳳凰。今果一遇之。夢閒嗟羨無已。覺來疑詫。未審何祥也。泊讀唐書。見張鷟兒時夢紫文大鳥止其家。祖曰。按五色赤文鳳也。紫文鷟鷟也。兒殆以文章瑞朝廷。因命爲名。後果文擅一時。茲判蓋其一也。予感夢有偶符。且於其判篤好之。以此晨夕誦弄不輟。顧辭極藻綯。又用事奧蹟。往往不得其所出。每懷愧悶。肆暇中檢涉百氏。有所合。亟系之句下。積之久久。其系浸多。總前後一閱。識遂油油起。較之前時。大有開通處。乃不忍棄捐。猥漬之冊。摛爲四本。標曰龍筋鳳髓判注。夫龍筋鳳髓本舊名。不知肇伊何時。注乃予之妄也。中間缺略而失攷。近似而強附。擁腫而斷或不盡。疵澂而滌猶未潔。非曰無之。然而瓊萼玉英。珍寶之府。冰縑霞綺。錦繡之林。將亦得竊環麗焉。是用揚摧。以成我幼子童孫。罔不暇忌客之胡盧於逆來也。明嘉靖二十七年春二月謹序。

重刻龍筋鳳髓判注跋

予束髮治舉子業時。先嚴中林君。卽命讀張文成判。及蘇長公表。曰。是先資之筌蹄也。予不肖。因卒業焉。顧蘇表自易解。乃文成判。雖甚膾炙。而罔有醞。往往食不知味。晚得棣郡劉敬虛氏所爲注。心悅之。因攜之官。授梓於柏人魏司馬公家塾。泊過白下。給諫劉君維衡索是編。曰。何不益廣厥傳。遂手校復畀書林周氏刻焉。或謂壯夫惡志於雕蟲。頑士參工於鏤鳳。以若所爲。無亦是哉。噫。不然。世方極泰。家自多賢。什襲燕石而千金敝帚。按劍明月而土苴琉璃。驚情於靡所庸之地。視是書之傳奚若也。乃作者議法之得失。與注者用事之先後。則有宋洪景廬之評。泊敬虛氏之自序在。無容予喙矣。萬歷乙酉夏五。奉政大夫南司農郎中渤海張延廷君簡甫書。

複刻龍筋鳳髓判注序

夫藝林一語。嫩踰禁樹。斑管片言。芳同芍藥。故馮真寫臆。度金石而俱鏗。撫實據辭。並貞明而不毀。況乎據案濡毫。臨時措語。凶吉繇乎揮灑。升墜繫於毫芒。苟非鑑出至明。洞無遺照。何以厭人心於一世。樹公論於千載乎。故並判爲士尙。盛自前朝。而取列諸科。制仍昭代。蓋自服官蒞事。勢所當工。逢掖待揚。理宜先熟者也。浮休高致。雅著斯編。世學迂疏。莫探其委。及我鄉敬虛劉君。博極羣書。貫淹百氏。因精加傳釋。系以繇來。俾尋言展帙。曠若發矇。是殆深有功於後學。而必傳於來世者也。左海張君。向令柏人。爰重斯編。鈐之邑治。及南領司農。復授剗劂。蓋表德彰潛。孳孳若渴。其視南游闕篋。密置論衡。東閣函奇。妄生瓠論者。大有逕庭矣。予夙滿荒陋。不習吏言。晚邁此書。不堪釋手。殆若氛埃旣掇。披沆瀣以開顏。芹蘆方深。進膾炙而忘飽。持是以往。其爲資者。不旣博乎。後之學者。誦法於斯。亦當有觀感而興焉。其無忘於二先生之功也已。萬歷乙酉二月。賜進士第南京吏科給事中長山劉一相維衡撰。

劉氏龍筋鳳髓判注。舊刻本頗不易得。同邑王進士宗炎。假仁和沈氏藏本。摹胥轉錄。舛脫不可卒讀。何孝廉其葵。依王本手錄。輒復隨意更定。余以何本旣非劉氏之舊。而劉氏原註。亦時有未安者。因爲補苴逸義。翦落浮詞。雖未還夫舊觀。聊有裨於初學。博雅君子。恕其陋妄。益所未逮。抑有厚幸焉。嘉慶十六年。立秋後九日。蕭山陳春識於湖海樓。

跋龍筋鳳髓判劉注補正

劉敬虛氏注龍筋鳳髓判甚多達失。陳君東爲是正。訛誤補所未備。洵可謂劉氏之功臣矣。然此非獨劉氏之過也。文成隸事繁富。亦時有失於揀勘者。周語。襄王使邵公過。及內史過。賜晉惠公命。其中書省判云。召爲內史。是誤合二人爲一。漢書薛廣德傳。廣德爲御史大夫。上耐祭宗廟。出便門。欲御樓船。廣德當乘輿車。免冠頓首曰。宜從橋。陛下不聽臣。臣自刎以血汙車輪。其左右羽林衛判云。薛廣斷鞅。斷鞅乃後漢郭憲諫光武事。是誤合二事爲一。漢書霍光傳。昌邑王召皇太后御小馬車。張晏曰。皇太后所駕遊宮中輦車也。其左右衛率府判云。昔乘小馬。尙致譏嫌。則直以爲東宮故實矣。記憶偶疎。致涉疑似。注者不得其解。或乃迂迴遷就以成其說。亦非諍臣之誼也。至若唐人諱虎爲獸。太史判秦稱金贅。劉氏謂或云贅卽虎。而不知爲避諱。金吾衛判云。忽犯獸冠之吏。獸亦卽虎。史記酷吏傳所謂王溫舒爪牙吏虎而冠者也。劉氏乃引中華古今注狸頭白首當之。亦誤。陳君旣刊此書。得讀一過。因書數語於後。以質之嘉慶辛未七夕前一日。同邑汪繼培識。

四庫全書提要

龍筋鳳髓判四卷。唐張鷟撰。鷟字文成。自號浮休子。深州陸梁人。調露初。登進士第。授襄陽尉。累官四門員外郎。終於龔州長史。事蹟具莫休符桂林風土記。唐書附其孫張薦傳中。稱其兒時夢紫文大鳥止其庭。大父曰。吾聞紫文。鷟驚也。若壯。當以文章瑞朝廷乎。遂命以名。員半千稱其文詞猶青銅錢。萬簡萬中。時號青錢學士。日本新羅使至。必出金帛購其文。然所著作不概見。存於今者。惟朝野僉載及此書。僉載已竄亂失真。惟此書尙爲原帙。其文臚比官曹。條分件繫。組織頗工。蓋唐制以身言書判。銓試選人。今見於文苑英華者頗多。大抵不著名氏。惟白居易編入文集。與鷟此編之自爲一書者。最傳於世。居易判主流利。此則緝麗。各一時之文體耳。洪邁容齋隨筆嘗譏其堆垛故事。不切於蔽罪議法。然鷟作是編。取備程試之用。則本爲隸事而作。不爲定律而作。自以徵引賅治爲主。言各有當。固不得指爲鷟病也。原本附有註文。爲明劉允鵬所輯。採撮頗詳。而稍傷冗漫。以別無他註。姑仍其舊錄之。允鵬本名繼先。字敬虛。武定人。嘉靖辛卯舉人。嘗著有續事類賦。今未見傳本。惟此註附鷟之書。尙存於世云。

龍筋鳳髓判序

龍筋鳳髓判二卷。唐四門員外郎張鷟撰。近時少傳。允明得之先外大父武功徐府君家。乃元人錄本。嘗以示沈津潤卿。會吾邑大夫春陵歐陽公東之。以名進士來試。鷟割富民教士。化理大著。鳴紘之餘。益思有以助仕學者。謂是書其一也。將取而刻之。津進曰。愚請任之。不足煩我公。乃手謄登於木。工完。倩述其故。惟昔先王議事以制。故鄭之刑書。頗詒時誚。至秦燔聖典。專吏師。一切深刻。漢矯其枉。雖入官者。儒吏並進。而斷獄必貴引經。尙有近於先王議制及春秋誅意之微旨。其後乃有判詞。然往往蕪穢而闕於事情。至唐制四銓判。專其一。鷟在當時。藻翰敏艷。有青錢學士之號。史稱其八舉甲科。四叅選判。策爲銓府最。宜是筆之美也。宋元承襲。國朝因之。試於士。行於官。咸有可觀。中間崇篤經學。或稍未遑精審。爾來文教彌振。英才駿騰。秉政者裁駁詳允。賓王者章藻粲發。優而從事。仕學交懋。是書固無所與讓。而亦可以策筌蹄之勳焉。惟我大夫。秋月懸胸。而南山在筆。然且已達達人。嘉惠來學。此其學道愛人之一端。行復大施以輔國家。弼教造士之德意。厥功不亦茂哉。輒申狂簡。以爲先驅。而津之好義能文。亦從見云。

宏治十七年甲子夏四月既望鄉貢進士允明祝支山序并書

附錄

唐書列傳節文

見八十
六卷

張薦字孝舉深州陸澤人祖薦字文成早慧絕倫爲兒時夢紫文大鳥五色成文止其庭大父曰吾聞五色赤文鳳也紫文鸞鷟也若壯殆以文章瑞朝廷乎遂命以名調露初登進士第考功員外郎薦味道見所對稱天下無雙授岐王府參軍八以制舉皆甲科再調長安尉遷鴻臚丞四參選判策爲銓府最員外郎員半千數爲公卿稱薦文詞猶青銅錢萬選萬中時號薦青錢學士證聖中天官侍郎劉奇以薦及司馬鏐爲御史性躁下儻蕩無檢罕爲正人所遇姚崇尤惡之開元初御史李全交劾薦多口語訕短時政貶嶺南刑部尙書李日知訟斥太重得內徙薦屬文下筆輒成浮艷少理致其論著率詆誚蕪猥然大行一時晚進莫不傳記武后時中人馬仙童陷默啜問文成在否答曰近自御史貶官曰國有此人不用無能爲也新羅日本使至必出金寶購其文終四門員外郎

唐世選士之科不一書判拔萃其尤也張氏斯集自省臺寺監以至州縣爲題僅百而詞章藻麗世莫與比誠可謂萬選萬中而士子之當究心者宋洪文敏謂其堆垛故事不切于蔽罪議法又謂其純于時格而不逮樂天之甲乙判似非至當之論也甲子四月晦日觀沈潤卿氏刻本偶書都察院進士丹陽都穆

後序

右龍筋鳳髓判。唐張文成所撰。紫文入夢。氣早著夫凌雲。澹墨書名。第遂高乎調露。舉青錢而充選。有萬簡萬中之能。搗丹筆以垂仁。比五聽五聲之允。宜其甲科八舉而無雙。選判四參而皆最。譽馳鹿塞。價重雞林。微特覓舉者戴若名經。秉識者珍爲藍本已。或者謂灋唯助治。刑以教中。詞貴明徵。體尙簡要。採林華之豔。不切霜威。擗枝葉之繁。何關電勅。不知先王議事以制。君子明慎用刑。折獄必據乎經文。定讞宜根乎史斷。方朔重鹿之諷。究近滑稽。張湯磔鼠之文。殊嫌兒戲。甯成乳虎。終少一卷之書。郅都蒼鷹。徒知三尺之灋。是以兒寬奏上。非俗吏之所爲。不疑平反。唯經術之是用。延英敏閣之諫。置笏引經。昭陵斧栢之爭。盜環述史。但論適中乎平準。卽言不病其敷腴。固當與白樂天之文集。西曹並尊。李元紘之判書。南山同鎮。況乎文選備制作之奇。獨無讞稿。英華見搜羅之富。不著撰人。旣涉獵乎百家。寧偏枯於一體。詞翔藻耀。猶未失駢體之宗。件繁條分。兼可補義疏之闕。亟徵抄本。用付梓工。原書上下二卷。劉敬虛益之以注。離爲四卷。雖勤採掇。頗失冗煩。茲刻一仍舊書。無取鵬輯云。

嘉慶甲子天中節張海鵬敍於養真齋

龍筋鳳髓判目錄

卷一

中書省

御史臺

考功

戶部

卷二

禮部

兵部

將作監

苑總監

卷三

修史館

左右衛

龍筋鳳髓判 目錄

門下省

尙書都省

司勳

工部

祠部

國子監

水衡監

內侍省

金吾衛

左右千牛衛

公主

吏部

主爵

倉部

主客

少府監

沙苑監

左右羽林衛

左右監門衛

左右屯衛

左右武衛

左右領軍衛

左右驍衛

卷四

左右衛率府

太廟

太樂

鼓吹

郊社

太醫

太史

太卜

良醢

太官

刻漏

珍羞

藉田

掌醢

導官

勾盾

親蠶

附錄

左右衛將軍

軍器監

龍筋鳳髓判卷之一

唐張鷟撰

武定劉允鵬敬虛原註

蕭山陳春束爲補正

中書省二條

漢武帝始置中書令魏晉以下始置省唐因之

中書舍人王秀漏洩機密斷絞秀不伏款於掌事張會處傳得語秀合是從會款所傳是實亦非大事不伏科

鳳池清切

〔杜佑通典〕中書省謂之鳳皇池

雞樹深嚴

〔魏晉世語〕殿中有雞棲樹〔初學記〕章承慶中書省詩清切鳳皇池扶疏雞樹枝

敷奏帝俞

〔書〕敷奏以言〔又〕帝曰俞

對揚休命

〔詩〕對揚王休〔左傳〕奉揚天子之不顯休命

召爲內史流雅譽於周年

〔史記〕召公奭支庶皆爲周卿士〔爾雅〕歲名周曰年

荀佺令君振芳塵於魏闕

〔魏志〕荀彧爲漢

侍中守尚書令〔或別傳〕司馬宣王嘗稱數十年閒賢才未有如荀令君者也

張會掌機右掖務在便蕃

〔唐書〕宣政殿有兩掖中書省在右稱右掖〔左傳〕魏絳引詩曰便蕃左右

王秀負版中

書情惟密勿

〔孔安國論語註〕負版者持邦國之圖籍也〔文獻通考〕漢置中書令蓋周官內史之職也以其總掌禁中書記故謂之中書〔漢書〕劉向引詩曰密勿從事

理宜克清克愼慕金人以

緘口

〔家語〕孔子入后稷廟有金人三緘其口銘其背曰古之慎言人也〔王隱晉書〕李乘家誡曰爲官長當清當愼當勤

一德一心仰星街而卷舌

〔書〕乃一德一心〔漢書〕畢昂聞天街也〔晉書〕天文志

卷舌六星在昴北主口語以知讒佞也。

溫樹之號問且無言。

〔漢書〕孔光典樞機十餘年或問溫室省中樹光不應。

惡木之陰過而不息。〔管子〕士懷耿介之心。

〔揚雄解嘲〕欲談者卷舌而同聲。

不蔭惡木之枝。〔陸機猛虎行〕熱不息惡木陰。

豈得漏秦相之車騎故犯疏羅。

〔史記〕秦始皇幸麗山宮望見丞相李斯車騎衆弗善也或告丞相後損車騎始皇怒曰此中人泄吾言捕在旁者誅之。

盜魏

將之兵符自輕刑典。

〔史記〕秦伐趙魏使將軍晉鄙救趙公子無忌從侯生計請如姬盜兵符殺鄙進軍擊秦兵。

張會過言出口駟馬無追。

〔鄧析子〕一言而非駟馬不能追。王秀

轉泄於人三章莫捨。

〔左傳〕言語漏泄職汝之由。〔漢書〕高祖約法三章。

若潛謀討襲理實不容漏彼諸蕃情更難恕非密既非大事。

法許准法勿論待得指歸方可裁決。

通事舍人崔暹奏事口誤御史彈付法大理斷笞三十徵銅四斤暹款奏事雖誤不失事意不伏徵銅。

崔暹風神爽俊詞彩抑揚雅調疏通清音朗徹裴楷之英姿肅肅朝野羽儀。

〔晉書〕裴楷風神高邁容儀俊爽時謂之玉人。〔易〕鴻漸於陸其羽

可用爲儀。〔班固幽通賦〕羽儀上京。

魏舒之容止堂堂羣寮領袖。

〔晉書〕魏舒堂堂人之領袖。

自可曳裾紫禁。

〔漢書〕鄒陽云何王之門不可以曳長裾。〔謝莊宣貴妃誄〕收華紫禁。〔李善

注〕王者之宮象紫微故謂宮中爲紫禁。

伏奏青規。

〔漢書〕史丹爲侍中諫元帝廢太子頓首伏青蒲上。〔應劭注〕以青規地曰青蒲。

助朝廷之光輝贊明時之喉舌。

〔書〕龍命汝作納言。〔孔注〕

納言喉舌之官。〔詩〕出納王命王之喉舌。〔後漢書〕李固云國家有尚書猶天有北斗主爲喉舌斟酌元氣。

芝泥發彩宣鳳藻而騰文。

〔河圖〕舜卽位黃龍負圖置舜前以黃玉爲柅白玉爲檢黃金爲繩紫芝爲泥章曰天

黃帝符璽〔江淹別賦〕露下地而騰文。蘭檢浮香潤龍縑而動色。〔河圖〕黃帝至翠嶠泉大虛魚折溜而至汎白圖蘭葉朱文以授黃帝。〔初學記〕古者以縑帛作書長短隨事截之。豈容金馬之對。

未被譽稱。〔漢書〕公孫宏對策天子擢爲第一待詔金馬門。神羊之威俄聞奏劾。〔後漢書〕與服志〔獬豸神羊也〕能別曲直楚王嘗獲之以爲冠秦滅楚以其冠賜御史服之。罰金既罹於疏。

網。〔漢書〕犯罪當罰金。〔老子〕天網恢恢疏而不漏。〔曹植責躬詩表〕天網不可重罹。辨璧無舍於明珠。〔抱朴子〕議珍者必拾濁水之明珠。過誤被彈止當答罪不失事意。

自合無辜。〔詩〕無罪無辜。雖觸凝霜〔崔篆御史箴〕簡上霜凝。理宜清雪。

門下省二條。漢謂之侍中寺晉給事黃門郎與侍中俱管門下事因謂之門下省。

給事中楊珍奏狀錯以崔牛爲崔牛斷笞四十徵銅四斤不伏。

沈沈青鎖。〔史記〕陳涉世家〔夥隨涉之爲王沈沈者〕應劭注〔沈沈宮室深邃之貌〕漢官儀〔揚黃門郎日暮向青鎖門拜謂之夕郎〕〔注〕青鎖戶邊青鎖也刻爲連鎖文而青塗也。肅肅黃樞。〔盧諶宣徽賦〕揚

揚雄爲黃門郎。〔初學記〕門下三葉不徒宜。望重鸞司。〔省唐改曰鸞臺〕任光龍作。〔書〕龍掌壺負璽步頓於是生光。〔齊職儀〕孔安國爲侍中掌

宜也。大駕出則負璽以從。〔左思魏都賦〕習步頓以升降。左貂右蟬揖讓由其動價。〔漢官儀〕侍中冠惠文冠加金璫附蟬爲文貂尾爲飾謂之貂蟬。〔董巴輿服志〕蟬取居高欲清貂取內勁悍外溫潤。楊珍

門承積閣。〔史記注〕明其等日閣積其功日閣。榮重搢紳。〔史記〕搢紳先生〔注〕趨左掖之嚴凝。〔顏師古漢書注〕掖門在兩旁如人臂掖〔按〕唐書宣政殿有兩掖門下省在左故

稱左〔初學記〕唐龍朔初改侍中爲東臺在左〔按〕上臺即東臺也

奏上臺之清切

〔初學記〕唐龍朔初改侍中爲東臺在左〔按〕上臺即東臺也

出納王命職當喉舌之官

〔注見中書省篇〕

光闡帝猷佐處腹心之地

〔盧諶贈劉琨詩〕光闡遠韻〔王融曲水詩序〕紹清和於帝猷〔詩〕公侯腹心

恪勤之譽未出於丹闈

〔後漢書〕胡廣恪勤職事〔爾雅〕宮中門謂之闈

舛繆之愆

〔書〕繩愆糾經

已塵

於清憲〔爾雅〕憲法也

馬字點少尙懼亡身

〔漢書〕石建爲郎中令奏事書下讀之驚恐曰書馬者與尾而五今乃四不足一獲譴死矣〔注〕馬字下曲者爲尾并四點爲四足凡五

人名不同難

爲逃責准犯既非切害原情理或可容何者寧失不經宥過無大

〔書大禹謨〕文

崔牛崔午即欲論辜甲申甲由

如何定罪

左補闕陳遂司制勅知勅書有誤不奏輒改所改之次與元勅同付法不伏

陳遂繆司綸紵

〔禮記〕王言如絲其出如綸王言如綸其出如紵〔北史〕薛道衡典司綸紵

忝掌樞機

〔見中書省篇溫樹注〕

參詳蘭葉之文

〔見中書省篇蘭檢注〕

宣越芝英之

字〔初學記〕蕭子良古今篆隸文體有芝英書

拾遺補闕躡山甫之清塵

〔漢官儀〕侍中與帝升降拾遺補闕〔詩〕褒職有闕仲山甫補之〔楚辭〕聞赤松之清塵

獻可替否尋晏嬰之

勝迹〔漢官儀〕散騎及中常侍獻可替否〔左傳〕晏子曰君所謂可而有否焉臣獻其否以成其可君所謂否而有可焉臣獻其可以去其否

設令魚魯絕繆理合上聞

〔抱朴子〕書三寫魚成魯帝成虎

豕亥

參差無疑下斷

〔呂氏春秋〕有讀史記者曰晉師三家渡河子夏曰非也是己亥也夫己與三相近豕與亥相似

豈容斟酌聖意加減繇言用寸管以窺天持小瓠

而測海〔東方朔客難〕以管窺天以蠡測海〔張晏注〕蠡瓠瓢〔莊子〕用管窺天不亦小乎〔釋三藏法師傳〕寸管不可窺天寸蠡難爲酌水

未經上白

〔廣韻〕白告也

輒敢雌黃

〔晉陽秋〕王衍能言於意有